



Vschinauncha da S-chanf
7525 S-chanf



Da la suprastanza cumünela

Cas zona da pos God God

La suprastanza es gnida orientada davart ün surpassamaint da la ledscha da fabrica dals 29 marz 2017 in God God, artichel 28, zonas da pos, denunzcho d'ün organ da survagliaunza. Zieva avoir do la pussibilitad da piglier pusiziun (dret da gnir udieu) decida la suprastanza unanimamaing da multer il surpassamaint cun fr. 500.00. La multa es gnida fixada cun tel import our dal motiv, cha que as trattaiva dad üna persuna chi'd es entreda illa zona da pos cull' intenziun da tschercher cornas da tschierv. Impü vegnan chargios ils cuosts supplementers al culpabel.

Producziun naiv artificielda e surdeda lavuors a purs

Cun que cha'd es entreda üna dumanda davart il predschi da la naiv artificielda e la surdeda da lavuors da transports da naiv a purs ho la suprastanza tratto quist affer seguintamaing: Ils 25 schner 2017 ho la suprastanza fixo unanimamaing, sülla proposta dad ün commember, il predschi da la naiv artificielda sün 20.00 / m³ per terzas personas per adövers commerciels. Zieva discussiun animada e valütaziun da la situaziun insista la suprastanza sül predschi da fr. 20.00 / m³.

A regard la dumanda da surder lavuors a purs as tratta que da transports da naiv per la preparaziun da loipas. Cò ho la suprastanza decis da tratter in avegnir a tuot ils transportaders da naiv chi vegnan in dumanda medemmamaing.

Plazzas da parker, prolungiaziun temp da prouva

La suprastanza ho decis unanimamaing da prolunger il proget da pilot chi prevezza da metter a disposiziun las plazzas da parker gratuit a la populaziun da S-chanf. Tenor ils resultats da l'analisa da tel proget vain decis cu proseguir in avegnir.

Angelini SA, dumanda prelevaziun gera our da l'ova da Varusch

Ad es inoltrada la dumanda da la firma Angelini SA, per prelever gerra our da l'ova da Varusch. Uschè ho la suprastanza decis unanimamaing d'aderir a la dumanda da la firma Angelini SA e da stipuler ün contrat limito cun tela per la prelevaziun da gerra.

Annunzchas da fabrica

La suprastanza ho piglio cugnuschentscha da seguintas annunzchas da fabrica:

- STWEG Chesa Suot Sassa, refer fnestras ed uschöls, parcella nr. 58.
- Joos Curdin, nouva porta da garascha, parcella nr. 680.
- Strassmann – Heeb Martina, refer liadüra in stalla, parcella nr. 531.
- Platzer Daniel e Wertmann – Platzer Lucrezia, intent da progettaziun chesa nr. 47.
- Krüsi Walter, refer saiv intuorn pascul, parcella nr. 345.

Dumandas da fabrica

La suprastanza ho concess seguints permiss da fabrica:

- Dazzi – Salzgeber Ambrosi ed Anny, sanaziun ed ingrandimaint da la chesa nr. 30.
- Cordett SA, tevlas da reclama in Serlas 376.

Surdeda da lavuors

Refacziun senda Alp Funtauna – Chamanna Kesch:

Consultaziun da fabrica ecologica:

- Eco Alpin SA, Schlarigna (offertas tenor proceder d'invid)

Lavuors fabrica da trail:

- Allegra Tourismus GmbH, Puntraschigna (offertas tenor proceder maun liber)

Hotel Scaletta, lavuors da valütaziun:

- Martin Fischer AG, Chapella (offertas tenor proceder maun liber)

Proget rait da fibra:

- Innoveritas GmbH, Wettswil (offertas tenor proceder maun liber)

Reparaturas vias e plazzels cumünels:

Sanaziun da la salascheda davaunt baselgia a Cinuos-chel:

- Implenja Schweiz AG, San Murezzan (offertas tenor proceder d'invid)

Cuvrida dal parkegi da la staziun a S-chanf:

- HEW AG, Zernez (offertas tenor proceder d'invid)

Cuvrida dal parkegi suot l'administraziun da la vschinauncha da S-chanf:

- HEW AG, Zernez (offertas tenor proceder d'invid)

Sanaziun da la salascheda suot l'administraziun da la vschinauncha da S-chanf:

- HEW AG, Zernez (offertas tenor proceder d'invid)